

杏苑生如

首子
題答

十四

新刻太醫院發刻醫家必究杏苑生春目錄

一卷

醫學習業

習醫先用明經

論醫

診候定式

聲色脉診

脉病逆順

論脉

脉有損至

異常生死脉

在脉

結脉為病

用藥法象

藥性要旨

用藥宜禁

藥味專精

用藥中病不必盡劑

君臣佐使

制方之法

治法綱要

湯散丸例

異法方宜

標本陰陽

諸陰諸陽

陰海陽海

三陰三陽氣絕

陰陽應象

陰陽虛實

陰陽主病

陰陽生死

陽有餘陰不足

問病求因

論病

主病標本

感病所因

治未病已病

病原診候

病症虛實

辯疑病名

察病輕重

病得其宜

諸夢為病

臟腑相移

諸痛

關格

人迎氣口說

論本

上古天真

血榮氣衛

男女氣血則一

男女尺脉辯

男女天數

養老

慈幼

無子服藥戒

房中補益

相火

茹淡

夏月伏陰在內

倒倉法

飲食所傷

勞役所傷

內傷治戒

傷寒溫病熱病說

亢則害承乃制

中暑中熱辯

積熱沉寒

煎厥

小便原委

瀉南方補北方

真邪離合

脫管

音釋 附卷首

二卷

脫血

汗法

下法

吐法

陽虛陰盛陽盛陰虛

春宣

藥戒

攻擊說

習醫規法

病源症治

臟腑虛實為病

陽明病

內外傷辯

醇酒宜冷飲

受胎

乳硬

癰疽當分經絡

論診候肺直肺痿法

論避疽

論五發疽

論三陰三陽時日所旺

勞極傷症

臨機應變

紀用備論

臟腑配天地

運氣政令

運氣勝復

天符歲會

天符

太乙天符

歲會

同天符

同歲會

三合

歲之所直名曰承歲

藥劑評

病分氣血晝夜衰旺

病熱分治

臟傳生歿

一息

二儀

二陽病

三才

三部

三焦

三神

三因說

四氣調神

四氣所傷

四知

四損

四肢

四海

四失

五臟生病

五臟虛實

五臟脈氣

五臟生成

五臟損益

五臟苦欲補瀉

五臟氣味補瀉

五臟相平

五臟別論

五精所并

五鬱

五臟正病

五邪爲病

五絕病治

五勞

五過

五病所發

五邪所亂

五邪所見

五行相尅

五法

六經氣血多少

六不治

六腑

七情藥性

七衝門

七診

七表脉狀

八裏脉狀

奇經八脉

八風

八會

九道脉狀

九候

九藏

九鍼

九蟲

九竅

九氣為病

十變

十法治病

十二經絡

十二經見症

十二原

十二宮

十二月人氣所在

十二多

十二經水

十二經脉之終

十二經是動所生之病

十二經絡始終流注

十二經治法

十三陰

十五絡

二十問

臟形正面踪源

臟形背面踪源

十二經絡序 形穴

手太陰肺經形穴

總歌訣二十 一法

手陽明大腸經形穴

總歌訣有二十法

足陽明胃經形穴

總歌訣四十有五法

足太陰脾經形穴

總歌訣二十有一法

手少陰心經形穴

總歌訣有九法

手太陽小腸經形穴

總歌訣一十有九法

足太陽膀胱經形穴

總歌訣六十有三法

足少陰腎經形穴

總歌訣二十有七法

手厥陰心包經形穴

總歌訣有九法

手少陽三焦經形穴

總歌訣二十有三法

足少陽膽經形穴

總歌訣四十有三法

足厥陰肝經形穴

總歌訣一十有三法

任脉形穴

總歌訣二十有四法

督脉形穴

總歌訣二十有七法

三卷 上下

約方之法

藥品製度

用藥增損

六經引藥

瀉六經火藥

藥劑準則

煎熬服法

風

中氣

中惡

寒

暑

濕

疫癘

大頭天行瘟疫病

温病

熱病

外感

內傷

四卷 上下

瘧瘧

痢瘧

霍亂

泄瀉

嘔唾

噎膈

嘈雜吞酸唾酸

脾胃

諸氣

六鬱

痰飲

五卷 上下

咳嗽

喘瘧

虛勞

諸血

汗瘧

虛煩

消渴

諸熱

痺瘰

咳逆

面部

六卷 上下

眩暈

眼眶眉骨痛

耳

牙齒

水腫

積聚

心胃腹痛

腰脇痛

瘰癧

疔瘡

頭痛

眼目

鼻

口舌

咽喉

鼓脹

疝

肩背臂痛

健忘怔忡

小兒科

調治痰痰

五臟病治

吐

瀉

驚

疳

內外傷感

癩疹痘瘡

夜啼

解顛

變蒸

小兒雜瘡

七卷

上下

狂癲驚癇

瘧瘧

脚氣

痛風

白虎歷節

痿瘖

厥瘖

諸淋

附小便不通

卷之三

目錄

七

大便閉結

腸澼下血

赤白濁

夢遺

白淫

遺尿不禁

脫肛

墜傷金瘡

中諸毒

脫陽

尸厥

雜瘡

邪祟

外科

諸瘡

八卷 上下

疔腫

癩瘰

附骨疽

陰瘡

楊梅瘡

時毒

癩風

痔疾

漏瘡

破傷風

陰部

婦
女
科

總說

月經不調

月經不通

經漏崩中

帶下

諸積

胎前

產後

雜用奇法

目錄終

發刻醫家必究杏苑生春七卷下

病勞傷思想陰陽氣虛遺精白淫以鹿茸肉補之

方鹿茸肉補丸

鹿茸 兔絲子 蒺藜 紫苑 肉苁蓉

官桂 黑附子炮 陽起石 黃芪 蛇床子

桑飄蛸各等分

右件依法修合共為細末煉蜜為丸如梧桐子大每服五十

丸食前溫酒送下

病白淫不止及有餘瀝兼治夢遺以閉真丸主之

方閉真丸

龍骨另研一兩 訶子五枚 縮砂仁半兩

硃砂一兩另研一半為衣

右件依法製度共為細末麩糊為丸如芫荽大每服一九空心溫酒送下。

病下焦虛小便白淫夜多夢遺泄以金箔丸主之。

方金箔丸

韭子

原蠶蛾

破故紙

牛膝

肉蓯蓉

龍骨

山茱萸

兔絲子

桑螵蛸

各一兩

右件依法修合共為細末煉蜜為丸如梧桐子大金箔為衣每服五十九丸溫酒空心送下。

病白淫遺精夢泄及滑脫不收以珍珠粉丸主之。方見本卷前

病陽虛陰盛精脫淫樂脛痠以補真玉露丸主之。

方補真玉露丸

白茯苓

白龍骨 另研

韭子

兔絲子 各等分

右件擇火日修合。依法製度。共為細末。醋糊為丸。如梧桐子大。每服五十九。溫酒鹽湯任便空心食前服。服少時以物壓之。

病 小腹急痛。便溺失精。澁出白液。以閉精之劑。

方 閉精散

黃芪

遠志

人參

當歸 各一錢

澤瀉

白芍藥

甘草

龍骨 各七分

右咬咀。水煎熟。空心溫服。

病 脾風傳腎。小腹痛熱。出白液。名曰蠱。左傳云。以喪志云。名為蠱病。便溺失精。乃真元不守也。以建中之劑治之。

方 建中湯

黃芪

遠志

各一錢五分

當歸

澤瀉

人參

白芍藥

龍骨

甘草

炙各五分

右咬咀用生薑五片水煎空心服

遺尿不禁

夫心腎氣虧傳送失度則必遺尿失禁有虛熱虛寒之分。經云膀胱不約為遺是也。小便頻數此下元虛也。輕於不禁治法俱宜固養真陰升舉元氣。又有久勞氣耗及胞寒之人俱有二症。忌用淡滲之藥。

脉症捷言

心脉短小因心虛所致為遺也。

經云膀胱不約故不禁也。

小便不禁有赤白之分。夫赤屬熱而白屬虛。蓋由膀胱為主。蓋

膀胱氣熱即泄液流通易於走泄。膀胱氣虛則司位失權。

不能禁固是以二者皆能令小便不禁也

蓋腎虛生熱宜以辛涼之劑清利之如芩連梔子之類虛者宜以甘溫之劑補益之如人參黃芪之類在於對症施治不可按圖索驥

治大人小兒遺尿失禁以桑螵蛸散或用益智仁酒煎與服見方

本卷內

病腎虛裏寒自汗不止小便不禁以祕元丹或大兔絲子丸或

十全大補湯去苓朮加益智仁方見三卷內

方祕元丹

白龍骨 兩五錢

訶子 五枚

縮砂仁 五錢

靈砂 三兩各另研

右件依法製度為末糯米粥搗爛為丸如梧桐子大每服五

十九空心鹽湯送下乾物壓之

方大兔絲丸

兔絲子

肉蓯蓉 各二兩

黑附子 煨

五味子

鹿茸

各一兩 鷄脂脰

桑螵蛸 各五錢

右件依法製度為末酒煮麵糊為丸如梧桐子大每服七十丸空心鹽湯下

病

久勞之人元氣墜脫不得升舉小便遺失或頻數無度以補

中益氣湯去白朮倍升麻主之

方見三卷內

治

小便頻數者此下元虛也以益腎之劑生之兼治小便不禁

方益腎丸

胡蘆芭

破故紙

川練子

同牡蠣炒去蠣取肉

鹿茸

熟地黃

益智仁

山茱萸

代赭石

各七錢五分

海螵蛸 龍骨 熟艾 丁香上好者 沉香

乳香各五錢 禹餘糧 赤石脂各七錢五分

右件依法製度為末糯米粥為丸如梧桐子大每服五十九

用苜蓿湯空心送下

治虛熱小便不禁宜六味地黃丸主之方見三卷內

病蓋腎虛生熱以致小便不禁法當滋補腎陰以勝熱宜補精

扶腎益真陰退腎中邪熱以止滑脫也

方司腎丸

鹿茸 兔絲子 胡蘆巴 杜仲 肉桂 知母

黃柏 熟地黃 地骨皮 赤石脂 山藥 龍骨

右件依法修合共為細末以醋打糊為丸如梧桐子大每空

心以升麻煎湯送下五七十九

○脫肛

脫肛之症。多因勞倦所傷。房慾氣耗。元氣不升。以致氣脫不收。及產育用力。并痢久。氣虛。俱有此症。理宜補肺升舉。忌用墜氣藥餌。爲真氣不禁。形質不收。乃血滑脫之故也。當以澁去其脫。升陽益氣治之。又云。脫肛有氣虛血虛不同。氣虛者。不能升舉其腑。以致大腸下脫。血虛者。不能附陽四暢。以致濕熱之氣鬱於大腸而濕就下。故大腸下墜。大抵皆宜補養氣血爲主。清熱燥濕爲標。加之以升提之劑。或托以酸澁之藥。無有應驗者。當事者。再加審焉。

○脈症勿見

脈沉而無力者。爲脫肛是也。

脫肛之症。有氣熱。血熱。有氣虛。血虛。有此四者之分。當求各因。

而療合宜用之有何難哉

有因氣虛者宜以參芪歸芎之類補中兼舉

有氣熱者以人參條芩升麻之類

有血虛者以四物湯倍當歸加人參佐以升麻

有血熱者以四物湯加生地炒黃柏升麻之類外以酸澁之劑

托之可也

肺與大腸相爲表裏若肺經蘊熱則肛門閉結肺臟虛陷則肛門脫出是以婦人產後及小兒久痢之後皆能致此症者蓋由氣血虛脫之故也治法必須以升補氣血爲主久則自然收矣

痢元氣虛弱脫肛復下赤白膿劑裏急後重以訶子等之類

方訶子皮散

粟殼

橘皮

乾薑

訶子煨去核各一錢

右吹咀水煎熟食前溫服。

病氣虛不能拘攝濕熱以致下流脫肛法當益氣為本清濕熱

為標故用參芪等以補氣清濕熱以提氣也

方潔古參芪湯

人參 三錢

黃芪 四錢

薄荷 七分

黃連 一錢

連翹 七分

防風 七分

升麻 一錢

右吹咀水煎食前服外以鯨頭骨五倍子焙乾為末托之。

病脫肛不上為因元氣太虛或久病瀉痢以升陽舉氣之劑

方升陽舉氣湯

升麻

柴胡

人參

黃芪 各一錢

當歸頭

白朮 各八分

黃芩

訶子

甘草 各四分

川芎 六分

右咬咀水二鍾煎一鍾食遠溫服

病陰血虧敗無以羈承腸臟以致濕熱下流肛門下脫法當益血清熱故用人參等清熱補血以提氣也

方潔古歸參湯

人參 一錢

川歸 二錢

川芎 七分

生地黃 七分

白芍 一錢

薄荷 七分

荆芥 一錢

條黃芩 一錢

升麻 一錢

右咬咀水二鍾煎一鍾食前溫服

治脫肛不上以蓮房散洗之神効

方蓮房散

蓮房殼

荆芥

枳殼

槐花

黃蘗

防風

獨活

各等分

右剉散每用一兩煎湯熏洗。

○陸傷金瘡

夫墜者從高墜下傷者跌撲肢體心腹或被物打或行車走馬折傷金骨或閃挫氣血俱令人腰脇心腹疼痛身熱增寒此是惡血留聚法當順氣散血若瘀血逆上令人惡心宜為降逐不可妄補若墜傷致損臟腑裏膜者不治金瘡乃金刃箭鏃所傷也急當以藥封固但風入內為破傷風則難治療通用童子小便取其易能調和血氣不致入臟腑也。

○脉症並陳

內經曰肝木搏堅而長色不青當病墜若搏因血在脇金匱曰寸口脉得微而澹當亡血。

又云損傷已亡血脈沉小者生浮大者死也若未經亡血內蓄瘀血者脈堅強實者生虛小弱者死。

傷損之症乃血受病但分有無瘀血停積及亡血多少何如。

如跌撲墜皮肉未破而內損者中必有瘀血宜行氣逐瘀爲主如桃仁紅花歸尾五靈脂香附之類若壯實之人，大黃亦可用。

如金刀傷及皮肉已破亡血之症內無瘀積必須調氣補血兼養胃氣如人參黃芪歸芍等藥爲主。

如皮肉雖破而血未曾大亡於中尚有瘀積者宜補養藥中兼以疎導之劑。

凡傷損之症有瘀血黃連白朮補中以童便煎服如欲下瘀血必先補托若瘀血在上焦宜韭汁或和粥服切不可飲冷。

水。蓋血得寒愈凝之故。但有一絲血入心則死。

凡骨損。必當大補氣血爲主。佐以接骨之藥。如自然銅。古文錢。以醋煮。加入乳香沒藥調服。

凡金瘡。宜急以石灰厚敷裹之。或用煨葱白熱包。或以牛胆石灰敷之。俱速効。

病杖瘡。攻興。增寒。身熱。惡心。少食。以當歸鬚散。加柴胡。羌活。氣升。加木香。若瘡忽收乾。毒攻腹內。恍惚煩悶。嘔吐者。難治。

方見六卷內。

治一切骨損之症。夫骨既損。而血無不被傷。是以用歸芍等。以養血潤燥。祛風痺。活外肌。行鬱氣。散瘀血。以止痛。一本有龍骨川芎。

方元戊接骨丹

當歸 四兩 白芍 二兩 白芷 一兩 虎脛骨 二兩

自然銅 火煨紅三次一兩 龜板 酥炙黃三兩 沒藥 一兩

骨碎補 三兩 川椒 一兩 郁李仁 二兩 乳香 一兩

右件共為細末以白蠟和蜜丸如彈子大每用滾熱好酒一

鍾化開一丸以向東南柳枝條攪散乘熱服。

病杖傷心腹脹痛以當歸鬚散加童子小便主之若心下脹滿

氣不通暢加木香檳榔 方見六卷內。

病挫閃氣血不順腰脇疼痛以當歸鬚散加青皮木香脇痛加

柴胡川芎主之 方見六卷內。

治從高墜下跌撲以致脇肋疼痛此乃瘀血流入肝經所致法

當踈逐肝經瘀血是以用柴胡紅花等以散肝經瘀血肝

主筋甲乃筋之餘特加川山甲續筋絡故也。

方復元活血湯

柴胡 一兩五分

天花粉

當歸 各一錢

紅花 五分

甘草

四分

桃仁

川山甲

七分

大黃

酒浸量人虛實加減

右咬咀。水酒各半。煎空心服。取利為度。

治

一切骨損。用乳香沒藥。踈利壅滯之氣血。以止痛。麝香滑石。通關竅。赤石脂自然銅。龍骨等。以補骨傷。

方接骨散

乳香

五錢

沒藥

五錢

麝香

另研一錢

滑石

二兩

赤石脂

五錢

龍骨

五錢

自然銅

大煨碎一兩

右件共為末。用好醋浸沒煮乾。炒燥為度。臨服時用三錢。加麝香半分。留舌上。以溫酒下。如損在上。食後服。傷在下。食前服。若骨能接。仍但痛。去龍骨。石脂。再仍多服。極効。

治凡諸傷損瘀血凝積痛不可忍。以鷄鳴散若使氣絕取藥不及以熱小便灌之

方鷄鳴散

大黃 一兩
杏仁 二十一枚

右咬咀。量人虛實。酒煎。鷄鳴時。酌服多少。

治從高墜下。惡血留於脇下。疼痛不可忍。妨於飲食。以破血散

疼之劑。

方破血散疼湯

羌活 防風 官桂 蘇木 各一錢
連翹

當歸鬚 柴胡 各一千五分
水蛭 另研
麝香 另研二分

右咬咀。水酒各半。煎調水。蛭麝香末服。

病打撲以致氣凝。血結。胸腹脇痛。或寒熱。以當歸鬚散主之。方見

六卷
內

病從高墜下。或行車走馬。跌折筋骨。以活血接骨散。或乳香定痛散。或接骨丹。

方 活血接骨散

羌活

獨活

川芎

防風

當歸 各一錢

官桂

五分

荆芥

赤芍藥

蘇木

猴薑

白芷

各六分

右咬咀。用水酒各半。煎好濾清。另研乳香。沒藥。自然銅各五分。調入。病在上食後。在下食前溫服。

方 乳香定痛散

乳香

沒藥

川芎

白芷

赤芍藥

甘草

牡丹皮

生地黃

各等分

右為細末。用好酒童便調二錢。隨病上下服。

方接骨丹

接骨木

乳香 各五錢

赤芍藥 當歸

川芎

自然銅

各一面

右件依法製度為末。用黃臘鎔開攪勻。候溫丸如龍眼大。若打傷筋骨。及開胸疼痛。用老酒一盞。浸化一九。熱服。若損折筋骨。先化一九。敷在傷處。然後進服。

治挫閃腰脇氣滯不散疼痛。以通氣湯主之。

方見六卷內。

治金刃血出不止。以止血完肌散敷之。

左止血完肌散

當歸

海驃蛸

龍骨

鱉甲

乳香

血竭

右各等分。共為細末。乾敷傷處。

病有因撲傷外腎畢丸以致腫疼小便出血或不通以五苓散

方見三卷內

和通氣湯主之

方見六卷內

治撲跌致衄或吐血不止濃煎蘇木湯調下小烏沉湯或黑神散治之

方小烏沉湯

烏藥 一兩

香附子 一兩

甘草 五分

右件共為細末每服二錢沸湯調食前溫服

方黑神散

黑荳 炒一合

熟地黃

當歸

肉桂

乾薑 炮

甘草 炙

芍藥 炒

蒲黃 炒各八分

右咬咀製度為末酒調三錢空心服入童便尤佳

病杖傷跌撲腹中疼痛以鷄鳴散加蘇木當歸鬚桃仁紅花方見

本卷前若嘔逆前藥難下。以萬靈丹下之。方見三卷內。

治杖瘡疼痛。以隔膏貼之。

方隔膏

乳香 沒藥 無名異 血竭 輕粉

百草霜 各五分 萬年灰 龍腦 各少許

右各另為細末。和勻。用菜油調勻如膏。以油單紙看患處大

小做袋一箇。入藥於中。捏勻縛上。兼治臙瘡。

○中諸毒

中砒毒者。其症煩躁如狂。心腹攪痛。頭旋欲吐不吐。回口青黑。

四肢逆冷。用黑鉛四兩。磨水一碗灌下。或青藍兩握研細。

井花水調下。如無藍。用清油二升。或掘地用水作漿。濃灌。

一二碗亦佳。糞清亦可。

中巴莖毒者。其人大瀉。或吐煩渴。所下必熱。急以黃連煎三兩。沸去滓。冷飲。倉卒權飲冷水亦好。忌食熱湯。并熱性藥物。或用甘草湯冷飲。

中斑猫毒者。其人嘔逆不止。急煎菘莖湯。或烏莖湯。溫服。或糯米煎湯亦可。

中大黃毒者。其人泄瀉不止。腹中寒痛。先用生薑湯。或甘草湯。熱飲。次以理中湯。補胃祛寒。方見三卷內。

中半夏南星毒者。其人喉間麻痺。甚則湯水不通。急用生薑汁。細呷。或無生者。乾薑煎湯飲下。或用甘草煎湯。嚥下亦可也。

中川烏附子毒者。必煩悶。煎菘莖。或烏莖湯冷服。或防風甘草煎服亦可。

中食物中。悞有蟲蛇蜈蚣毒者。心腹膨悶。用雄黃磨水細飲。凡於夏秋之時。食物停久者。多必有此。飲食之頃。宜加細視。倘或悞中其毒。治亦尤難。

悞吞蜈蚣。以小猪斷喉。取血飲盡。以生油一口灌吐。

凡山水有毒蟲。人涉水而中。似射工而無物。惡寒微似頭痛。目睚疼。心中煩懊。四肢振歔。腰背百節皆強。兩膝痛。或翁翁而熱。但欲眠睡。旦醒暮劇。手足逆冷。至肘膝二三日。腹中生蟲。食人下部。臍中生瘡。不痛不癢。令人不覺。若不急治。過六七日。下部出膿。其蟲上。食人五臟。熱盛毒煩。下痢不禁。八九日。雖良醫不能救矣。但覺得之。急早視其下部。若有瘡。正赤如截肉者。爲陽毒。最急。若瘡如鯉魚齒者。爲陰毒。猶小緩。要皆殺人。不過二十日也。欲知是水中與非者。

當作五六升湯。以小蒜咬咀五升投湯中。消息勿大熱去滓。以浴之。是水毒。身體當發赤瘡。無是者非也。當以他病治之。若果中水毒。已顯前症形狀。以解水毒飲子主之。

方解水毒飲子

吳茱萸

半升

生薑

犀角

升麻

橘皮

各一兩

烏梅

七枚

右咬咀。用水七升。煮二升。作二服。

○脫陽

夫脫陽症者。或因大吐大瀉之後。或房色過度。致使大耗真氣。四肢逆冷。元氣不接。不醒人事。此為最急。救之稍緩。便為凶矣。及傷寒新瘥。與婦人交。其症小腹緊痛。外腎搐縮。面黑氣喘。冷汗自出。亦是脫陽。此雖稍緩。亦須急救。俱先以

葱白數根炒令熟，熨臍下。次用黑附子一枚，重一兩炮製，剉作八片，白朮、乾薑各半兩，人參一兩，木香二錢半，分作二貼，水二碗煎一碗，放溫灌下。須臾再進一貼，合查併煎。再服。如無前藥，用官桂二兩，好酒二升，煎一升，分二服。又無桂，用葱白三七根，研細，酒五升，煮二升，分二服灌下。陽氣卽回，或生薑以酒煮灌之。須用炒鹽熨臍，及氣海勿令氣冷則佳。男女交接過度，真氣大脫，昏迷不醒，俱勿放開。須兩陰交合，待氣還自甦，若就開合，必死難救，可不慎之。慎之。

尸厥

奄忽死，去四肢逆冷，不醒人事，腹中氣走如雷鳴，此尸厥也。以焰硝五錢，硫黃二錢，研細，作三服，每服好陳酒一大盞煎。

覺硝磺起傾於盆內。並有溫服。如人行五里。又進一服。不
過三服。只醒。灸百會四十九壯。氣海丹田三百壯。身溫灸
止。如無煎藥。用黑附子一隻炮製。人參一兩。分作二服。酒
三盞煎服。赤生薑汁酒合煎亦妙。灸百會艾炷。止許如菘
荳大。麓則傷人也。

○雜症

陽氣煩勞。則張精絕。僻積於夏。令人煎厥氣逆。目盲不可視。耳
聞不可聽。以人參散主之。

方人參散

人參

遠志

各一錢

赤茯苓

防風

赤芍藥

麥門冬

橘紅

白朮

各八分

右咬咀。水煎熟。不拘時服。

陽氣大怒則形氣絕而血氣於上令人薄厥蓋怒傷肝則逆胸中不和甚則嘔血衄衄以赤茯苓湯治之

〔方〕赤茯苓湯

赤茯苓

人參 各一錢二分

桔梗

橘皮 各八分

麥門冬

赤芍藥 各六分

檳榔 四分

右咬咀用生薑五片水煎不拘時服

〔病〕二陽之病發心脾名風消男子隱曲不利女子月水不流脾

病食不化風勝真氣日益消矣以黃芪羌活散

〔方〕黃芪羌活散

黃芪 一錢

續斷

地骨皮

五味子 各五分

羌活 一錢

牛膝 五分

石斛

防風

枳殼

人參 各八分

生地黄

牡蠣

黑附子

茯苓 各六分

右吹咀水煎熟不拘時服

病 二陽發病名風厥肝木尅胃風勝其濕不制腎水故令上逆

多驚背痛善噫善欠志意不樂以遠志散主之

方 遠志散

遠志 人參 細辛 白茯苓 官桂

菖蒲 熟地黃 白朮 防風 各一錢

右依法製度共為細末每服二錢溫酒空心食前調下

病 一陽發病名心掣上咳下泄火不寧其動若掣胸中如刺氣

痞壅塞以調中散治之

方 調中散

人參 當歸 白朮 各一錢 乾薑 炮七分

五味子 官桂 各四分 赤茯苓 八分 甘草 炙四分

右攻疽水煎熟臨臥溫服

病結陽腫四肢熱勝則腫蓋四肢諸陽之本熱苑不散或毒攻

注大便閉澁以犀角等之類

方犀角湯

犀角 玄參 各一錢 連翹 柴胡 各六分 升麻

木通 各八分 沉香 麝干 甘草 各五分 芒硝

麥門冬 各四分

右咬咀水煎熟食前溫服

病解休謂冬脉太過緩而澁腎實精不運解有緩休疑寒熱也

主氣之不欲言此腎元有餘矣以利腎湯主之

方利腎湯

澤瀉 一錢二分 生地黃 赤茯苓 各一錢 檳榔

麥門冬

柴胡

枳殼各七分

黃芩

牛膝各五分

右咬咀水煎熟不拘時服。

〔病〕身非衣寒中非受寒氣血不行一身如從水中出不必寒傷

而作也此陽虛陰盛名曰痺氣以附子丸主之。

〔方〕附子丸

黑附子

川烏

二件俱炮咀碎炮黃色

官桂

川椒

菖蒲

甘草

各一兩

骨碎補

天麻

白朮

各五錢

右件依法製度共為細末煉蜜為丸如梧桐子大每服三十

丸温酒空心食前送下日進三服。

〔病〕身寒重衣不能熱腰脊疼不得俛仰兩脚冷受熱不遂此腎

脂枯涸不行髓少筋弱凍痺故率急此名骨痺以附子湯主之。

方附子湯

黑附子

獨活

防風

各七分

川芎

丹參

萆薢

菖蒲

天麻

白朮

山茱萸

甘菊花

牛膝

各五分

官桂

細辛

各三分

當歸一錢

黃芪

七分

甘草

炙三分

枳殼

四分

右咬咀用生薑五片水煎不拘時服

病近衣絮肉尚苛榮氣虛不仁其症癘重為苛也此榮虛衛實

肌肉不仁名肉苛也以和榮膏主之

方和榮膏

前胡

白芷

細辛

官桂

白朮

各二兩

川椒 二錢 川芎 二兩 吳茱萸 黑附子 當歸 各一兩

右剉搗以茶酒三升拌勻同罨一宿以煉成猪脂膏五斤入

藥微煎候白芷黃紫色漉去滓成膏病在處摩之若癢癢

瘡癢諸風瘡痒疼痛傷折墜損皆可用之

病筋急而見脉必急數肝虛生寒腹脇痞悶筋見於外以栝子

仁散主之

栝子仁散

栝子仁 茯苓 防風 各一錢 細辛 白朮

黑附子 當歸 各八分 檳榔 五分 官桂 枳殼

川芎 各六分 惠子 二枚 生薑 三片

右咬咀水煎熟食前溫服

病原紅絲瘤東垣云李叔問中年得一子至一歲後身生紅絲

瘤不救後三四子至一二歲皆癆瘤而久思之謂曰汝乃
腎中伏火精氣中多有紅絲以氣相傳生子故有此疾俗
名胎瘤是也令溺於桶澄試視之果如其言遂以滋腎丸
常服以瀉腎中火邪補真陰不足其妻與六味地黃丸以
養陰血俱忌酒辛熱之物受胎五月之後以黃芩白朮作
散啖五七服後生子前症不復作今已年壯故知此治可
爲神妙也

二方俱見五卷內

病脾瘠之症飲食入腹如湯澆雪隨小便而出落於溷僻溝渠
中皆旋結如白脂肌膚日益消瘦用熱藥則熱愈甚用涼
藥氣愈虛羸不能起止精神恍惚口舌焦乾或陽強興盛
不交而泄其斃不久無治法也

治舌出過寸湯粥難入用龍腦少許研細頻搽舌上卽縮

病耳聞風雨鼓角聲。此心脉太甚而腎脉不得歸耳所致。以黃連解毒湯加生地黃知母主之。方見三卷內。

治蟲入耳中。用琴弦一段。將弦頭畧軟一分許。蘸桐膠入耳黏出。以弦性能入遠不屈。可達其處。

治骨鯁在喉。以威靈仙陳橘皮各五錢。煎入沙糖和勻。頓頓呷服。其骨自消。

病寸白蟲所苦。心腹痛惡心。以追蟲散主之。

方追蟲散

檳榔

右件為細末。每用以月初旬。先將炙香猪肉一塊嚼嚙其津。勿食其肉。候蟲上胸中。如箭攻。搯然用石榴東引根煎湯。調服三錢。其蟲消殺。

病有人睡覺目赤腫良久則無事以人臥則
師於肝因熱血
到肝故睡起而目赤良久無事者血復散四肢也。以地黃
粥服之為愈。

方地黃粥

生地黃不拘多寡搗絞自然汁浸粳米滲透晒極乾再浸
再晒凡三度每用磁器煎湯一升令沸入前米一合熬成
稀粥食遠進下食之日久使肝血清涼

治稻麥芒悞入口中入喉難出以鵝涎灌下即消。

○和崇

邪崇之症皆由氣血不足心神虧敗乘虛所襲而致又有痰火
上冲迷塞心竅阻窒經隧妨碍升降以致十二官各失其職而
言動視聽皆虛妄似乎邪崇之狀若以邪崇治之必死不救蓋

由內火拂鬱不得外泄加之符水之寒閉密膚腠火熱愈不得舒其熱愈熾兼加法尺之聲以驚其神內外搔擾不得寧息神愈不安是以多致不救醫者患家而宜審焉。

○脉症兩詳

脉乍疎乍數乍大乍小或促或結皆邪脉也。

脉緊而急者適死。

邪祟之症皆由正氣虧敗邪乘虛入必須補正氣養心神爲是故經云邪之所湊其氣必虛養正而邪自除是也。

邪祟之症在內必須養正氣在外以秦丞相灸鬼法治之其法以大拇指並齊用細麻繩縛定以大艾炷置於兩甲界及兩指角肉際周圍一齊著火灸七壯神効但著火必要四面一齊同燒著艾如有一處不著卽無効也。

治一切邪病，皆由正氣虧敗，邪乘虛入。法當養正氣，安心神，為主。是以用人參、白朮養正氣，安魂魄，鎮心神，辟邪氣，殺鬼魅，以養心血。

方辟邪丹

人參 三兩

當歸 二兩五錢

白朮 三兩

茯神 二兩

桃奴 五錢

麝香 五錢

遠志 一兩

牛黃 五錢

菖蒲 兩

金箔 三十張

雄黃 五錢

辰砂 五錢

蒼朮 兩半

鬼箭羽

右件共為細末，酒調米糊為丸，如龍眼大，用金箔為衣，臨臥時，木香煎湯化下一丸，或二丸，以絳紗囊盛五十九丸，懸於床帳中。

附三方俱辟邪祟。

方千緒湯

牙皂 二錢

半夏 錢

生甘草 七分

右咬咀加生薑三片水煎熟溫服。

方導痰湯

橘紅 二錢

枳殼 二錢

半夏 一錢

茯苓 一錢

南星 八分

生甘草 一錢

咬咀加生薑三片水煎熟溫服。

方二陳湯

橘紅 三錢

半夏 二錢

茯苓 二錢

甘草 一錢

右咬咀加生薑三片水煎熟溫服。

內科終

外科

○諸瘡

天癰疽瘡癰腫毒皆由五臟六腑蓄積熱毒及過用灸燔酒麪
溫床厚被盡力房勞精氣虛耗及膏粱并消渴及血液衰之
人則多有矣非特榮衛壅塞而發者經曰諸痛瘡瘍皆屬心火
又云榮氣不和逆於肉理乃生癰腫又云六腑不和留結爲癰
爲其血氣凝滯也其行也有處其主也有歸假令發於喉古者
心之毒發於皮毛者肺之毒發於肌肉者脾之毒發於骨髓者
腎之毒發於下者陰中之毒發於上者陽中之毒發於外者六
腑之毒發於內者五臟之毒故內曰壞外曰潰上曰從下曰逆
發於上者得之速發於下者得之緩感於六腑則易治感於五
臟則難瘳也近骨者多冷久不愈則化成血蟲近虛者多熱久

不愈則傳氣成漏若成蠱者則多痒少漏或先痒後漏成漏者則多漏少痒或疼不痒內虛外實者多漏少痒也血不止則多膿疾潰則多生若吐逆無度飲食不進皆瘡毒使然蓋癰者大而淺其毒稍輕疽者小而深其毒最重癰者尤輕諸瘡惟發願皆疽疥瘡最爲重症其物發也寒熱交作或痒或痛凡風多則痒熱多則痛其不痛者乃爲惡症如背疽始生如黍大纏覺便用艾於痛處灸至痒痒灸至痛使毒氣隨火而散若失之於初瘡勢已成腫蔓開大必須內托毒氣外用針刀去其黑肉使不腐爛爲佳其項疽癰乳疔癰瘰癧馬刀臂癰肋癰臂癰腎癰便毒牙癰腹癰腸胃癰肺癰坐馬癰皆毒氣鬱積於內發而爲此治各隨其經絡部分用藥解毒消潰若氣血弱者當補其氣血爲先不可妄行通利瘡疥癰疾乃風熱蓄膿肥瘡乃濕熱之

故治宜消毒散熱。有外臙瘡久不愈者，多是腎水流注，及脾濕潰溢，治須散濕消毒。大凡嘔逆不食，乃毒氣衝心，以護心散托裏消毒，最為神妙。瘡疽疼痛，世多以乳香沒藥，取其珍貴，可以止痛，殊不知寒熱虛實，皆能為痛。臨病制宜，各有方法，豈可一概用此香燥之藥乎？蓋寒邪之痛，治以溫熱之藥；熱毒之痛，治以寒涼之劑；因風者祛之，因濕者滲之，燥者潤之，塞者通之，虛則補之，實則瀉之。膿鬱而閉，用針越之，惡肉侵蝕，則引去之。陰陽不和者，調之；經絡閉滯者，利之。應機而發，其痛立止，不可執一而無權也。症有五善七惡，亦不可不察也。煩燥時，救腹痛渴甚而喘，眼角向鼻，瀉利無度，或小便如淋，一惡也。膿血大泄腫炊尤甚，膿血敗臭，痛不可近，及氣綿綿而脈濡，與病相反，二惡也。喘促短氣，恍惚嗜臥，三惡也。目視不正，黑睛紫，小白睛反青。

瞳子上看睛明陷四惡也。肩項不便四股沉重五惡也不能下
食服樂則嘔食不知味六惡也。聲嘶色散口臭青赤向日四肢
浮腫未潰肉黑而陷已潰青腐而筋骨黑七惡也。靜息自寧飲
食知味一善也。膿潰腫消色鮮不臭二善也。便利調勻三善也。
神彩精明語言清爽四善也。氣體和平五善也。若五善見三則
差七惡見四則危。然則病有源同七惡皮緊急者如善病有源
同五善皮緩虛者如惡發背透膜者死唇黑便汚者死潰喉者
不治陰又腹者不治。囊入者死髮深寸餘者不治。在頤後一寸
三分毒銳者不治。大抵血氣聞香則行聞臭則逆。瘡家本自腥
穢又加臭惡因而相觸反成大患。毒氣入胃令人咳逆。古人用
香可謂有理。且如飲食之中調令香美益其脾胃。養其真元可
保無虞所忌者作勞叫怒嗜慾澡沐并炙煖酒麵牛羊鷄鵝魚

鮮液氣之人孕婦經行婦人孝子僧道之類攻療之法外科精
要精義憊息其理宜此求焉經曰傷東南風西南風之變則爲
癰腫也

○脉症詳說

脉經曰脉數身無熱內有癰也

又云腹無積聚身熱脉數此爲腸中有膿宜薤苳敗醬附子湯
主之

又云諸浮數脉應當發熱反洒淅惡寒若有痛處當發癰膿

又云脉微而遲反發熱弱而數反振寒當發癰腫

又云脉浮而熱身體無熱形嘿嘿胸中微燥不知痛之所在此

人當發癰腫

又云脉滑而數數則爲熱滑則爲實數則主衛滑則主榮榮衛

相逢則結爲癰熱之所過則爲膿也。

癰疽由陰陽相滯而生蓋氣陽也血陰也氣行脉外血行脉內相並周流循環不息若寒與濕搏之則凝泣而行遲乃爲不及若寒爲火搏之則沸騰而行速乃爲太過若氣得邪而鬱則津液稠沾爲疾爲飲積久漆入脉中血爲之濁此陰滯於陽也若氣得邪而鬱則隧道阻隔或滯或結積久滲出脉外氣爲之亂此陽滯於陰也陽滯於陰其脉浮洪弦數陰滯於陽其脉沉弱細澁陽滯以寒治之陰滯以熱治之百病皆由是而生不特癰疽而已在乎臨症細詳不可拘於一法。

如感地之濕氣而癰腫者其源在外盛則外行如脉沉實當先疎內以絕其源若脉浮大當先托裏以咳邪氣內侵。

凡癰之毒淺者其邪惟壅遏於經脈之間而傳於外是以初發身表便熱其毒高腫外形甚者縱欲下陷緣正氣內固不密是以或便閉或發渴發逆以拒之其骨髓終不焦枯而臟腑終無損壞

凡疽之毒深者其邪內壅五臟而不專攻于外是以身無熱毒或不高腫甚者聲嘶色脫眼黑青小及十指腫黑其症必死不治

凡諸癰疽發於何經上當求救何經不可干擾別外餘經

凡患瘡毒昏冒者此乃毒氣上攻宜汗之可愈

凡瘤有氣血之分如瘤軟不痛者曰血瘤如發癰日漸增長而不火熱時時牽痛者曰氣瘤久而不消後亦成膿

凡諸癰瘤癰贅等至年衰時皆自內潰急當治於年壯時

凡瘡疽痛息自寧飲食知味脉症俱緩可以王道平和之藥徐而治之以理其本設脉實焮腫煩燥寒熱脉症俱實者又非王道所宜當硝黃猛烈霸藥以攻其標如若聚腫不潰或潰而腫膿水清稀或瀉利腸鳴飲食不入嘔吐無時或手足並冷此乃極虛之症當以大補之劑為主不可悞用硝黃全在詳其表裏虛實庶得萬全。

凡諸毒潰後內有腐肉必須去之蓋腐肉不去新肉不生乃推陳致新之意也。

凡去腐肉用平法去之或用雄黃輕粉敷之。

凡蠱肉腐出者遠志末調塗之或以烏頭五錢苦酒三升浸漬二日夜洗之日夜五七度。

凡治大毒藥無全功必須銅灸並血灼艾之功甚大能使毒散滯

行是以謂大毒。若不鍼灸則毒氣無由而散。膿瘀無從而泄。故此必假火力始能成功。是以灸法治未潰能拔引鬱毒。行散滯氣使毒未潰已潰能接引陽氣。祛散寒邪使瘡口易合也。

治諸毒惡瘡癰疽以五香連翹之類

方五香連翹湯

沉香 三分

乳香 四分

生甘草 五分

木香 四分

麝香 另研

連翹

黃芪

升麻 各錢半

獨活

麝干

桑寄生

木通 各一錢

藿香 五分

丁香 三分

大黃 酒煨量人虛實增減酌用

右咬咀水煎熟食後溫服。

治癰疽發背一切惡腫以千金托裏散主之

方千金托裏散

官桂

人參

甘草節

川芎

白芷

芍藥

各八分

木香

沒藥

乳香

各四分

當歸

連翹

黃芪

各一錢

防風

桔梗

厚朴

各六分

右咬咀用水酒各半煎熟不拘時服。

病一切惡瘡癰疽腫毒初覺不消憎寒疼痛以赤芍藥散。

方赤芍藥散

金銀花

一錢五分

大黃

看虛實酌用

當歸

赤芍

瓜蒌仁

枳實

各一錢

甘草

生五分

右咬咀用水酒各半煎熟不拘時服。

治發背腦瘡始覺者能消之以黃連消毒湯。

方黃連消毒湯

黃連

黃芩

當歸

桔梗

各一錢

生地

知母

藁本 防已 羌活 獨活 防風 連翹

人參 瀉澤 甘草 蘇木 橘皮 黃芪

黃蘗 各七分

右咬咀水煎熟食前温服

病發背及諸瘡大渴此血液衰耗也以竹葉黃芪湯或黃芪六

一湯主之 方見三卷內

〔方〕竹葉黃芪湯

淡竹葉 川芎 黃芩 各五分 生地黃 黃芪

人參 各一錢 麥冬 八分 當歸 六分 白芍藥 各四分

甘草 生 石膏 各四分

右咬咀用竹葉七片水煎熟食遠温服

病發背惡瘡托裏止痛排膿宜金銀花散治之

方金銀花散

金銀花 四錢

甘草 八分

右剉一劑用水酒各半煎熟食前溫服。

病發背後防咽喉口舌生瘡甚至黑爛以犀角玄參之類。

方犀角玄參散

犀角

玄參

升麻

黃芪

赤芍藥

麥門冬

當歸

各八分

甘草

大黃

微炒各五分

右咬咀水煎熟食後溫服。

諸般惡瘡出血多而心煩不得眠睡乃亡血故也以聖愈湯

治之。

方聖愈湯

生地黃

熟地黃

人參

當歸 各一錢

煎服如已潰加黃芪

病氣毒濕毒流注遍身攻腫以消毒流氣飲主之

方消毒流氣飲

黃芪 一錢

當歸

川芎

白芷

人參

防風

桔梗

烏藥

檳榔

白芍藥

枳殼

厚朴

官桂

木香

紫蘇

生甘草 各四分

右咬咀用水酒各半煎熟食遠溫服。

病諸腫瘡毒心神恍惚不得安臥以內補寧神湯主之如日夜

不睡加酸枣仁一錢

方內補寧神湯

黃芪

麥門冬

川芎

當歸

茯苓

人參

杏苑生春

卷之八

七

五味子 遠志各錢 甘草 桂心各五分

右咬咀用生薑三片。枣子二枚。水煎溫服。

治諸瘡疽始發腫焮。增長熱痛。以木香湯腫湯腫上湯之。

〔方〕木香湯腫湯

木香 犀角 大黃 山梔仁 升麻

黃芩 黃連 麝干 黃蘗 白欬

甘草 朴硝 紫檀 靈羊角各一兩

右咬咀每用五兩。生地黃汁五合。如無生者。乾地黃五兩。水

一斗。煎至七升。入麝香少許。淨帛蘸藥熱湯腫上一日兩

三度。冷卽再換。

〔病〕癰疽發背。及魚臍瘡。諸風癢疹。赤腫瘤等。及諸禽獸肉魚。純

等毒并蛇犬惡蟲所傷。以解毒之劑治之。

川芎七分 黃芪一錢五分

右咬咀。水煎熟食。煎溫服。

〔治〕癰疽瘡癤未成。自然消散。已成者能令開潰。以內補十宣散

治之。

〔方〕內補十宣散

人參一錢 黃芪一錢五分 當歸一錢 厚朴五分

桔梗大分 桂心三分 生甘草五分 川芎

防風 白芷各八分

右咬咀。用水酒各半同煎。食前服。

如初腫未潰。加瓜蒌仁六分。金銀花四分。連翹五分。

若發熱作渴。加天花粉七分。去桂心。減厚朴一半。只用水

煎服。

病血氣壯實。多患癰疽。大小便不通。以內消升麻湯。

方內消升麻湯

大黃 看人虛實酌用

升麻 一錢五分

黃芩

枳實

當歸 各一錢

甘草

赤芍藥 各五分

右咬咀。水煎熟。食前溫服。

治一切惡瘡癰疽及乳癰。以秘方奪命之劑。

方秘方奪命散

川山甲 皂角刺 各一錢

乳香 沒藥 各四分

當歸鬚 八分 青皮 七分

金銀花 貝母

赤芍藥 甘草節

天花粉 防風

白芷 各七分

右咬咀。用無灰酒煎。密封鍋口。勿令透氣。在上食後。在下食

方解毒萬病丸

五倍子 一兩五錢
山茨菰 一兩
千金子仁 五錢

大戟 七錢五分
麝香 一錢五分

右件依法製度另研和勻用糯米濃粥飲為劑杵千下分作
二十九每服一丸用生薑薄荷汁井水研服薄荷湯尤佳
通利一兩行無妨務合時宜端午并七夕重陽天月二德
日皆可淨室焚香須至誠修合為最忌婦女鷄犬及篤疾
之人見之。

治瘡毒堅大者以升麻和氣飲和消毒飲煎服
方見大卷內。

方消毒飲

大黃 看人虛實酌用
白芷
貝母
牡蠣

瓜萋仁 當歸 各一錢
甘草 八分
金銀花 山梔仁 各七分

右咬咀。水煎熟。空心服。

〔病〕寒腹皮毛鬱遏經絡。不得伸越。熱伏榮中。聚而為赤腫。痛不可忍。惡寒發熱。或相引肢節疼痛。以托裏溫經之劑。

〔方〕托裏溫經湯

人參 八分

蒼朮

白芍藥

各六分

甘草

四分

當歸身

白芷

各五分

麻黃

防風

乾葛

各一錢

升麻

一錢二分

右咬咀。水煎熟。食遠溫服。

〔病〕癰疽惡核腫痛。發腦頤背等。已潰未潰。以萬金散排膿托裏為主。

〔方〕萬金散

瓜蒞實

一枚去皮取子去殼

大甘節

五錢

沒藥 二錢另研細

右件除沒藥先用無灰酒三碗。銀石器內煎至一碗許。去渣卻入沒藥末攪勻。每服半盞。浸無灰酒和勻。任性不拘時候溫服。

病瘡為寒變。而內陷者。膿水消解。皮膚已涼。心下痞滿。腸鳴切痛。大便微澹。食則嘔逆。氣短而促。咳逆不絕。不得安臥。時發昏憤。以托裏溫中之劑。

方托裏溫中湯

沉香 四分

丁香 三分

益智仁

茴香

橘皮

木香 各五分

炙甘草 七分

羌活

黑附子 各一錢

乾薑 炮六分

右咬咀。水煎熟。食前溫服。

治諸腫毒惡瘡攻心腹惡心欲吐以護心散主之。

方護心散

菘荳粉 一兩
乳香 五錢

右件各另研細和勻煎甘草湯調少許。時時細呷。要藥常在胸膈之間。

病腸癰為其身甲錯腹皮急如腫狀按之即痛小便數如淋時時發熱自汗惡寒甚則腹脹大轉側聞聲達臍生瘡或膿臍中出或大便出膿血其脉遲緊者膿未成可下之當有血以大黃牡丹之類。

方大黃牡丹湯

大黃 看人虛實酌用
牡丹皮
桃仁 各一錢

瓜蒌仁
芒硝 各一錢五分

右咬咀先煎前四味減半入芒硝煎再沸空心服。

如脉數已成膿不可下以腸澼湯或瓜子湯尤妙。

方腸澼湯

牡丹皮

甘草

敗蘗

生薑

茯苓

各一錢

薏苡仁

麥門冬

桔梗

各一錢五分

赤芍藥

丹參

各二錢

生地黄

二錢五分

右咬咀水煎熟空心服。

方瓜子湯

薏苡仁

一合

牡丹

桃仁

各三錢

瓜仁

二合

右剉一剉水煎熟空心服。

病腸澼其脉必芤此血在中焦以桃仁承氣湯主之。

方見三卷內

病腸澼下膿血寒熱腹疼以內補十宣散煎下太乙膏。

方見六卷前

方太乙膏

赤芍藥

生地黄

香白芷

玄參

官桂

大黃

當歸各三錢

木鱉子

白芨

各二錢五分

緋丹

八兩湯砲另研細碎入炒紫乘熱下

白欬二錢半

右件用芝麻油一觔浸春五夏三秋冬十日慢火熬香熟候

白芷等色黑為度濾去渣入鍋煎沸方入緋丹以柳條不

住手攪勻滴水不中不散取起試軟硬得所方歇火次下乳

香沒藥各五錢麝香一錢攪溫傾在磁器收貯用

方肺有癰膿腥氣上衝嘔而咳嗽胸乳間隱隱而疼以消膿飲

升麻苦梗湯或桔梗湯主

方見五卷內

方消膿飲

南星

生

知母

貝母

生地黄

阿膠

川芎

桑皮 防風 麝干 天門冬 桔梗 各六分

甘草 四分 薄荷 杏仁 半夏 紫蘇 各五分

白芨 七分 白芷 五分 烏梅 一箇

右咬咀用生薑七片水煎熟食遠温服。

方升麻苦梗湯

升麻 苦桔梗 各一錢 地榆 黃芩

薏苡仁 赤芍藥 牡丹皮 各八分 生甘草 五分

右咬咀水煎熟食遠温服。

病胃脘癰如疣身皮甲錯咳吐膿血榮衛不流執聚胃口而成

以麝干湯主之。

方麝干湯

麝干 枳子 赤茯苓 升麻 各一錢 白朮 八分

赤芍藥 一錢五分

右咬咀。用水煎熟。入生地黃汁一合。蜜半合。食遠服。

治腹癰便癰及瘡疽無頭腫疼。以復元通氣散。

方復元通氣散

青皮 陳皮 各一錢五分 甘草 生炙各四分 天花粉

川山甲 連翹 各一錢 金銀花 七分

右咬咀。或為末。酒調空心服。

治諸般腫毒癰疽發背發疔發癰發頭或項或腰或脇或在手足或婦人乳癰及治五種尸毒。蓋飛尸者。遊水皮膚穿臟腑。每發刺痛。變作無常。道尸者。附骨入肉。皮作血脈。每發不可得近。見尸喪。聞哀哭。便發風尸者。淫濯四肢。不知痛之所在。每發皆沉。得風雪便作沉尸者。纏骨結臟。衝心脇。

每發絞切遇寒冷便作。注尸者舉身沉重精神錯雜常覺昏廢每節氣至變輒成大惡並以忍冬藤酒主之。

方忍冬藤酒

忍冬藤

連花葉藤生取二把入砂盆內木槌研碎入醇酒少許調和稀稠得所。拿數四圍留中心泄其毒氣。另用五兩用木槌微微槌損與後藥同煎忌犯鉄器。

甘草大節 一兩生剉

右二味用水二碗磁器中文武火慢慢煎至二碗入無灰好酒一碗再煎十數沸去渣分三次溫服。一日夜連進契盡如病勢重日夜要盡兩劑服至大小便去利則藥力方到也。

病癰疽發背等毒惡候侵大有死血陰毒在中則不痛敷之即痛有憂怒等氣積而內攻則痛不可忍敷之即不痛或蘊

熱在內。熱遍人手不前近。敷之即清涼。或氣虛血冷。煮而不飲。敷之即飲。若七情內鬱。不問虛實寒熱。治之必愈。以逐志不拘多少。泔浸洗去土。槌去心為細末。每服三錢。無灰酒一盞。調遲少頃。澄清飲之。以渣敷病處。

〔病〕癰疽氣升。懶食。脾胃虛弱。惡心。以參苓順氣散主之。

〔方〕參苓順氣散

人參 白茯苓 紫蘇子 粉甘草 各五分

烏藥 一錢 香白芷 白木 各一錢 青皮 去白五分

右咬咀。用生薑三片。棗子一枚。水煎。空心溫服。

〔病〕瘰癧氣發於頸項。乃痰熱之故。以祛毒化腫之劑。

〔方〕祛毒化腫湯

連翹 天花粉 各一錢 當歸 貝母

黃芩 酒炒各七分 甘草節

桔梗 柴胡

昆布 海藻 各五分

瓜蒌仁 八分

右 吹咀水煎熟食遠溫服。

又方

用海藻 二錢 黃連 四錢

右共為細末。和勻以少許置掌中。時時舐之。津液嚥下。如消
三分之一止服。

癩婦人兩乳 出黑頭瘡瘡頂陷下。作黑眼子。以升麻托裏湯

主之。

升麻托裏湯

黃蘗 炙甘草 各五分 鼠黏子 肉桂 各四分

黃芪 當歸身 各一錢 乾葛 八分 連翹 一錢

升麻 一錢

右吹咀。用水二分。用酒一分。煎熟。食後溫服。

婦人乳硬。其中生核如芥子。於初起時。便須忍痛。搽令稍軟。

吮令汁透。自可消散。因其不痛不痒。隱忍年久。發為乳岩。

不可治也。預以消毒通氣湯散之。

消腫通氣湯

石膏 一錢五分

青皮

當歸

皂角剉 各一錢

白芷

天花粉 各六分

金銀花

甘草節 各五分

瓜蒞仁 七分

橘葉 三十片 連翹 八分

沒藥 四分

升麻 四分

右吹咀。用水酒各半。煎食遠溫服。

若乳癰初起。服前藥亦消。治以致膿血潰爛。加黃芪一錢。若

堅疼。掣連胸背。以香附子散。

方香附子散

香附子

右為細末。每服二錢。未湯食遠調服。一日三次。七日而消。

治尻臀坐癱。堅硬腫痛大作。以內托菘活湯主之。

方內托菘活湯

肉桂

連翹

甘草

蒼木

各五分當歸

橘皮

各七分

防風

藁本

各六分

黃芪

一錢五分

黃蘗

菘活

各一錢

右咀空心酒

分。水二分煎服。服畢以夾衣蓋瘡上。使藥力

行罷去衣

治便毒。或單生。或雙生。以消毒飲主之。已潰有膿。去大黃。加黃

芪

方消毒飲

大黃 看人虛實多少 白芷 貝母 牡蠣 當歸

瓜蒌仁 各一錢 甘草 四分 金銀花 山梔子 各七分

右咬咀水煎八分空心熱服。

治瘡毒久不斂成痛者用酒浸忍冬草飲其酒。

治凡瘡諸腫毒初生以江蝮圍藥磨敷四圍。

方江蝮圍藥

大黃 半夏 黃藥 各等分

右用江蝮二十四箇白梅四箇去核搗爛入前藥杵和成劑

丸如指頭大用好陳醋磨化圍敷患處四邊。

治瘡疼嘔吐不喜食者以喜木散主之 方見六卷內

治諸癰瘡不用針刀不移時自透以透膿散主之。

方透膿散

蟹繭繭子 一箇用出了鷲兒者燒灰酒服獨鷲者佳

病脾肺風毒攻衝遍身疥癬痒痛或生癰疹搔之成瘡肩背拘急肌肉頑痺手足皴裂風氣上攻頭面生瘡及紫白癩頑麻等風以何首烏散主之

方何首烏散

何首烏

荆芥

防風

蔓荊子

威靈仙

甘草

呵破草 各一兩

右件製度為末白湯調服三錢

治諸般瘡疥或痒或疼寒熱交作以防風通聖散主之 方見三卷內

○ 膿瘡不愈以法製久青葉或隔紙膏貼之

方法製冬青葉

方隔膏

冬青葉不拘多少洗淨同黃米煮兩三沸取葉待冷貼上用帛束定一日二次換貼久則收斂為愈

乳香

沒藥

無名異

血竭

輕粉

百草霜

各半兩

萬年灰

龍腦

各少許

右各另為細末和勻菜油調勻如膏以油單紙看患處大小

做袋一箇入藥於中俚勻縛上兼治廉瘡神効。

治凡瘡疥痒疼乃風熱也以荆芥首烏散主之。

方荆芥首烏散

胡麻

一兩二錢

荆芥

苦參

各八錢

何首烏

甘草

威靈仙

各六錢

右件依法脩合共為細末每服二錢薄荷湯或温酒食後調

服為愈

病癰疽腫毒寒熱如瘡惡心泄瀉以平胃散加人參白茯苓主
之方見四卷內

因坐馬癰成漏以鳳尾草煎湯洗淨以神妙松金散一日三次
乾敷須守至一月方得全功不許行動

方神妙松金散

松香 上等明淨者

右件研為極細末乾敷患處。

治凡囊癰下疳皆由下元虛敗濕熱之毒乘虛下陷所致法宜
疎肝經鬱滯兼以導濕清熱及補下元為主。

治蟲瘡如癩瘡者以退熱散蟲為主用蕪蔑狗脊白礬雄黃硫
黃水銀樟腦松香頭上冬者加黃連蛇床子如腫多則加

白芷以開鬱

治諸瘡母脉實洪數煩燥作湯乃熱毒上攻所致法當清熱解
毒故用黃連等以解熱排膿攻癰腫生肌長肉蘇木歸稍
以行濁血也。

方瀉心散

黃芩 錢

黃連 二錢

連翹 一錢

犀角 五分

大黃 二錢

澤蘭葉 一錢
漏蘆 七分

歸稍 七分

蘇木 七分

右咬咀用水二鍾煎至一鍾溫服。

新刻太醫院發刻醫家必究杏苑生春卷之七終